

皇朝實錄



冊七十

大清世祖體天隆運英睿欽文大德弘功至仁純孝章皇帝實錄卷之二十七

順治三年秋七月乙巳朔

享

太廟遣官詣盛京祭

四祖廟 以牛录章京孫定遠為都督同知充湖廣提督  
總兵官薊鎮三屯營總兵官孔希貴為都督同知充河  
南懷慶總兵官山西寧武關副將劉良臣為都督同知  
充陝西甘肅總兵官英王劄委武昌總兵官張應祥為  
都督同知充河南南汝總兵官牛录章京張史奎為署

都督僉事充山海建冷副將陝西督標中軍叅將王國  
勛為通鎮右協付將李吉為署都督僉事充山西寧武  
關副將

丙午

定湖廣官兵徑制提督標下旗鼓都司一員兵三千名  
分三營中營中軍叅將一員守備一員千總二員把總  
四員左營遊擊一員守備一員千總二員把總四員右  
營遊吉一員守備一員千總二員把總四員提督武昌  
提兵標下旗鼓都司一員兵五千名分五營中營中軍  
叅將一員守備一員千總二員把總四員左營遊擊一

員守備一員千總二員把總四員右營遊吉一員守備  
一員千總二員把總四員前營遊擊一員守備一員千  
總二員把總四員後營遊擊一員守備一員千總二員  
把總四員巡撫標下旗鼓守備一員兵一千五百名分  
二營中營兼管左營遊吉一員守備一員千總一員把  
總二員右營遊擊一員守備一員千總一員把總二員  
鄖陽巡撫標下旗鼓守備一員兵一千五百名分二營  
中營兼管左營遊擊一員守備一員千總一員把總二  
員右營遊擊一員守備一員守備一員千總二員偏沅  
巡撫標下旗鼓守備一員兵一千五百名分二營中營

兼管左營游擊一員守備一員千總一員把總二員右  
營游擊一員守備一員千總一員把總二員荊州總兵  
標下旂鼓守備一員兵三千名分三營中營中軍游擊  
一員守備一員千總二員把總四員左營游擊一員守  
備一員千總二員把總四員右營游擊一員守備一員  
千總二員把總四員鄖襄總兵標下旂鼓守備一員兵  
三千名分三營中營中軍游擊一員守備一員千總二  
員把總四員左營游擊一員守備一員千總二員把總  
四員右營游擊一員守備一員千總二員把總四員長  
沙總兵標下旂鼓守備一員兵三千名分三營中營中

軍游擊一員守備一員千總二員把總四員左營游擊  
一員守備一員千總二員把總四員右營游擊一員守  
備一員千總二員把總四員辰州付將標兵三千名分  
三營中營中軍都司一員守備一員千總二員把總四  
員左營都司一員守備一員千總二員把總四員右營  
都司一員守備一員千總一員把總四員黃州付將標  
兵一千二百名中軍守備一員千總二員把總四員承  
天付將標兵一千二百名中軍守備一員千總二員把  
總四員常德付將標兵一千二百名中軍守備一員千  
總二員把總四員漢陽恭將標名六百名中軍守備一

員千總一員把總二員德安恭將標兵六百名中軍守  
備一員千總一員把總二員岳州恭將標兵六百名中  
軍守備一員千總一員把總二百名寶慶恭將標兵六百  
名中軍守備一員千總一員把總二員永州恭將標兵  
六百名中軍守備一員千總一員把總二員房山恭將  
標兵六百名中軍守備一員千總一員把總二員具國  
州恭將標兵六百名中軍守備一員千總一員把總二  
員新州恭將標兵六百名中軍守備一員千總一員把  
總二員鎮旱恭將標兵六百名中軍守備一員千總一  
員把總二員臨藍恭將標兵六百名中軍守備一員千

總一員把總二員靖州恭將標兵六百名中軍守備一  
員千總一員把總二員衡州游擊標兵四百名中軍守  
備一員把總二員彝陵州游擊標兵四百名中軍守備  
一員把總二員洞庭湖游擊標兵四百名中軍守備一  
員把總二員鎮偏游擊標兵四百名中軍守備一員把  
總二員三江口守備一員兵二百名把總一員道士湫  
守備一員兵二百名把總一員澧州守備一員兵二百  
名把總一員水道守備一員兵二百名把總一員柳桂  
守備一員兵二百名把總一員九永守備一員兵二百  
名把總一員武肅守備一員兵二百名把總一員分巡

武昌道柳桂道分守武昌道分守上湖南道分守下湖南道分巡下湖南道分巡荆西道分守荆西道上江防道下江防道分巡下荆南道分巡上荆南道分守下荆南道分巡湖北道辰常道荆南武彝兵備道分守湖北道分守上荆南道以上各中軍守備一員兵一百名家堡大圍山綏寧各操守一員兵一百名 陞工部理事官佟國胤為本部侍郎盧興祖為工部啟心郎  
丁未

歸化城土默特部落古魯特等遣甲喇章京杜冷等貢駝馬宴賚如例 增設都察院監察御史十五員

己酉

鄂爾多斯部落濟儂台吉查木蘓等遣祁成古吳巴世等貢馬匹宴賚如例 以甲喇章京夏玉為都察院左付都御史 陞山西寧武道叅議潘巨為江南按察司付使常鎮兵備道河東運使董宗聖為山東布政使司叅議分巡東萊道

庚戌

陞二等甲喇章京屠賴為一等甲喇章京以叙黑龍江潼關道江南霞等軍功故也

壬子

諭兵部曰先定逃人自歸尋主者將窩逃之人處斬其  
九家及甲長鄉約供各鞭一百流徙該管府俱行治罪  
今定逃人自歸者窩逃之人及兩隣流徙甲長并七家  
之人各鞭三十該管官及鄉約俱免罪其餘俱照以前  
御例 御史于嗣登坐於

太廟內小遺不敬褻朕

甲寅

平南大將軍多羅貝勒勒克德渾班師至京

乙卯

招撫江南大學士洪承疇疏請回京以江南尚未大定

不允仍賜宴妻銀一百兩貂皮二百張 改陝西左布  
政使周文葉為河南布政使司左布政使 陞陝西右  
叅政管右布政使事劉弘遇為陝西布政使司左布政  
使直隸河間府知府劉漢祚為山西按察司付使寧武  
兵備道

丁巳

給江寧從征浙閩各官家口俸銀三分之一兵丁家口  
月餉之半

楊威大將軍和碩德豫親王多鐸等師至營噶爾察山  
聞騰机思等屯子衮噶尔台地方隨令蒙古回山額真

庫魯克達爾漢阿賴等率兵先出遼其後扼據險隘大  
軍繼進騰机思聞風遁去即令外藩蒙古巴圖魯郡  
王滿朱習礼梅勒章京明安達礼等乘夜進追次日  
及之子歐特山賊迎戰大敗之斬其台吉毛害併迎下  
嫁騰机思格格还我兵渡土喇河復遣鎮国將軍瓦爾  
達等率兵追之陣斬騰机忒子多尔濟巴噶舍津騰机  
思孫噶尔馬特木德博音噶斬首無算尽獲其家口輜  
重次晨我軍至布兇哈都山遣貝子博和託等率兵與  
瓦克達等合軍追剿斬首千餘級擒生八百餘人獲駱  
駝一千四百五十隻馬一萬九千三百餘匹牛一萬六

千九百餘頭羊十三萬五千三百餘隻至是捷聞

戊午

革工部啟心郎郎廷弼額者庫哈番阿尔泰職鞭一百  
以私盜庫物故也

己未

中元節遣官祭

福陵

昭陵 陞署山東按察使僉事胡之彬為陝西布政使司  
叅議管右布政事河東運司同知佟廷年為河東都轉  
運鹽使司運使 淮揚巡按姜金胤疏言淮安衛民嚴



國士母張氏疾篤國士刲左臂和湯以進父從善病復  
刲左股以進疾皆愈山陽縣人王夢熊孀母葉氏卧病  
危焉夢熊晝夜號天請以身代不解帶者兩閱月繼以  
奉艾促選以母老堅辭不仕里人賢之宿州民張彘憲  
女大姐年十六二姐年十四故明崇禎時賊掠州南二  
女及兄國俊妻龔氏俱登樓縊死賊詢知感嘆而去懷  
遠縣生員李本妻段氏故明崇禎時兵亂氏避居南安  
鄉為賊擄脇上馬氏夫死不從賊怒砍其腦至死罵不  
絕口請賜旌表事下所司

庚申

復定一等二等三等公扇兩面貼方金四一品官員扇  
兩面貼圓金四二品官員扇兩面貼圓金三三品官員  
扇兩面貼圓金二

辛酉

吏部言朝覲考察之期既定于次年正月舉行其應行  
事宜首重五花冊臣部即照舊武頒發各撫按令其攢  
造齎送朝覲官員姓名起程日期限十月到部其應朝  
覲官員俱限十二月到京違限者叅奏不許私自馳驛  
分外科授賢否考語一准撫按定註考語止用才守政  
年四格頓按人指事明白直書不許鋪叙繁文如有毀

譽徇情是非顛倒者議處從之 遣廣東道監察御史  
李高陽巡視兩淮鹽課山東道監察御史甯承勳巡按  
宣大

壬戌

江西巡撫李鳳翔進正一人張應景符四十幅報曰  
凡致福之道惟在敬天勤民安所事此朝廷一用天下  
必至效尤其置之 以擊敗蘇尼忒部落捷音榜諭外

藩蒙古

甲子

多克幸係降明蒙古人我兵征大同時率七十戶來歸

取察哈喇國為响導及同達爾漢卓里克圖追殺蘇尼  
忒部落反叛之吳班代等授為牛录章京叙閒散章京  
恩克森錦州松山山海等處戰功授為半個牛录章京  
乙丑

命礼科右給事中楊時化荆部員外郎李震成為山東  
考試官 草鑾儀衛緝訪人役永著為令從給事中張  
國憲請也

丙寅

賜平西王吳三桂暨提兵一員付將十一員叅將遊擊  
三十二員宴于武英殿 宴賚外藩蒙古二十七固山

下聽事頭目併從人如例 賜從多羅貝勒、克德渾  
出征外藩蒙古固山額真梅勒章京喇章京牛录章  
京等官宴于禮部 陞山東武德道付使王任重為本  
省按察司按察使

戊辰

甘肅巡撫黃圖安疏請終養下吏部議以秦陞多事圖  
安借端規卸草職永不叙用從之

庚午

宴平西王吳三桂恭順王孔有德智順王尚可喜續順  
公沈志祥于武英殿各賜蟒衣一襲帽一頂靴鞵一雙

鞍馬一匹加賜平西王馬十匹銀三萬兩以其遷移勞  
衆故也 以佟學文為吏部理事官 陞山東萊州府

知府祝思信為本省按察司付使武定兵備道

八月甲戌朔

科爾沁額駙巴雅思祐郎同公主來朝進貂皮駝馬等  
物

上御武英殿賜宴

乙亥

諭戶部曰往年市賣綢緞等物皆寬長精密近來人心  
奸巧希圖射利概多短窄鬆薄不堪以致民間徒費錢

財無裨實用殊為可恨合行嚴禁尔部移文内院督臣  
傳諭江寧蘇杭各處机房商賈以後織造市賣綢緞等  
物務要寬長合式精密堪用如仍前短窄鬆薄查究治  
罪

丙子

命内翰林国史院檢討胡統虞秘書院檢討白胤謙為  
順天考試官 多羅衍禧郡王羅洛宏隨征四川薨于  
軍中時年二十四 吏部右侍郎金之俊乞假葬親不

允

丁丑

遣大學士剛林祭

先師孔子 以喇瑪為工部侍郎沙濟達喇為理藩院  
侍郎 光祿寺丞張作楫坐爭試差降三級調用

定河南官兵經制巡抚標兵二千名中軍一員管左管  
遊吉事中軍守備一員千總二員把總四員旗鼓守備  
一員右營遊擊一員守備一員千總二員把總四員開  
歸河南提兵官標兵二千名中軍一員管左營遊擊事  
中軍守備一員千總二員把總四員旗鼓守備一員右  
營遊吉一員中軍守備一員千總二員把總四員河南  
府恭將標兵一千名中軍守備一員千總二員把總四

員歸德恭將標兵一千名中軍守備二員千總二員把  
總四員南汝提兵官標兵二千名中軍一員管左營遊  
吉事中軍守備一員千總二員把總四員旂鼓守備一  
員右營遊擊一員中軍守備一員千總二員把總四員  
汝寧恭將標兵一千名中軍守備一員千總二員又把  
總四員懷慶提兵標兵二千名中軍一員管左營：遊  
擊事中軍守備一員千總二員把總四員旂鼓守備一  
員右營遊擊一員中軍守備一員千總二員把總四員  
衛輝府恭將標兵一千名中軍守備一員千總二員把  
總四員磁州都司一員兵五百名嵩縣守備一員兵三

百名王祿店守備一員兵二百名河道驛傳道督糧道  
倉中軍守備一員兵二百名分巡河北道中軍守備一  
員標兵一百名分守河北道中軍守備一員標兵一百  
名分巡大梁道中軍守備一員標兵二百名分守大梁  
道中軍守備一員標兵二百名睢陳道中軍守備一員  
標兵二百名分守河南道中軍守備一員標兵一百名  
分巡河南道中軍守備一員標兵二百名分巡汝南道  
中軍守備一員標兵二百名分守汝南道中軍守備一  
員標兵一百名

戊寅

遣禮部尚書覺羅郎丘祭

大社

太稷 河南汝南道參政張益慶生激安叛賊陳蛟革職

已卯

山東提學道房之騏河南提學道劉慶番坐濫送貢監各降三級調用

庚辰

命房山縣知縣祭金帝陵

定江西官兵經制巡撫標兵一千五百名中軍兼管左營游吉一員守備一員千總一員把總

二員右營游擊一員守備一員千總一員把總二員南贛巡撫標兵一千五百名中營兼管左營游吉一員旗鼓守備一員守備一員千總一員把總二員右營游擊一員守備一員千總一員把總二員南昌提督提兵標兵五千名旗鼓都司一員中營中軍參將一員守備一員千總二員把總四員左營遊擊一員守備一員千總二員把總四員前營游擊一員守備一員千總二員把總四員後營游擊一員守備一員千總二員把總四員南贛提兵標兵五千名旗鼓守備一員中營中軍游吉一員守

備一員千總二員把總四員左營遊擊一員守備一員  
千總二員把總四員右營游吉一員守備一員千總二  
員把總四員前營游擊一員守備一員千總二員把總  
四員後營游擊一員守備一員千總二員把總四員九  
江總兵標兵五千名旗鼓守備一員中營中軍游擊一  
員守備一員千總二員把總四員左營游擊一員守備  
一員千總二員把總四員右營游擊一員守備一員千  
總二員把總四員前營游擊一員守備一員千總二員  
把總四員後營游吉一員守備一員千總二員把總四  
員袁州付將標兵二千名左營中軍都司一員守備一

員千總二員把總四員右營都司一員守備一員千總  
二員把總四員廣信府叅將標兵六百名中軍守備一  
員千總一員把總二員建昌府叅將標兵六百名中軍  
守備一員千總一員把總二員饒州府叅將標兵六百  
名中軍守備一員千總一員把總二員吉安府叅將標  
兵六百名中軍守備一員千總一員把總二員南湖嘴  
守備一員兵三百名把總一員寧州銅鼓石守備一員  
兵三百名把總一員鄱陽湖守備一員兵三百名把總  
一員樟樹鎮守備一員兵三百名把總一員廣昌營守  
備一員兵三百名把總一員鉛山守備一員兵三百名

把總一員萬安守備一員兵三百名把總二員長沙營  
守備一員兵三百名把總一員羊角水營守備一員兵  
三百名把總一員杭州守備一員兵三百名把總一員  
南康營守備一員兵三百名把總一員武寧營守備一  
員兵三百名把總二員瑞州營守備一員兵三百名把  
總一員永新守備一員兵三百名把總一員龍泉守備  
一員兵三百名把總二員永鎮營守備一員兵三百名  
把總一員橫岡營守備一員兵三百名把總一員永豐  
營守備一員兵三百名把總一員瑞南道中軍守備一  
員兵二百名分巡南瑞道中軍守備一員兵二百名分  
守南瑞道中軍守備一員兵三百名分守饒南九道中  
軍守備一員兵二百名分巡饒南九道中軍守備一員  
兵二百名分巡嶺北道中軍守備一員兵二百名分守  
嶺北道中軍守備一員兵二百名廣撫建道中軍守備  
一員兵二百名分守湖東道中軍守備一員兵二百名  
分巡湖西道中軍守備一員兵二百名分守湖西道中  
軍守備一員兵三百名督糧道中軍守備一員

辛巳

遣江南道監察御史楊四重巡視漕儲 邳州土寇楊  
秉孝王君寔等嘯聚黨羽僭王設官謀政邳州城掠民



肆害提督王文奎淮徐道參議張兆巖調兵擒斬之以  
捷聞

戶部言江南提督織造太監車天祥呈稱自崇禎二年  
在江南織造歷十有五載順治二年又蒙豫王委令照  
旧織造今老病不能料理乞代題允辭但織造袍服必  
資熟練之人天祥久司織務仍令照舊管理可也命車  
天祥著以原官管理江寧織造鑄給印信

壬午

太宗文皇帝忌辰遣官祭

昭陵

甲申

太祖武皇帝忌辰遣官祭

福陵

上御武英殿賜公主及額駙巴雅思祐郎宴

乙酉

揚威大將軍和碩德豫親王多鐸等奏報我兵自土勒  
河西行于七月十三日至查濟布喇喀地方喀爾喀部  
落土謝圖汗兩子率兵二萬橫列查濟布喇喀上游我  
師嚴陳而前敵來迎戰我師遂擊敗之追逐三十餘里  
斬殺甚衆獲駱駝二百七十餘隻馬千一百餘匹次日

喀爾喀部落碩雷汗之四子本霸巴圖魯台吉等率兵  
三萬遮查濟布喇喀道口而來我師列陣奮擊敗之追  
逐二十餘里復斬殺甚衆獲駱駝二百餘隻馬七百六  
十餘匹及問俘卒言碩雷家口部衆悉是寒冷格地方  
衆議將欲前進因馬疲之于七月十六日班師還矣捷  
聞下所司察議

丙戌

草青州道副使韓昭宣職逮問以其縱脫故明寧陽王  
朱翊鍊等故也 吏部疏題逆寇賀珍犯漢中漢羌道  
胡全才知府楊可經同知董應徵通判李芳激推官原

體蒙同心戮力守城著績宜加擢敘請將全才以巡撫  
陞用可經等各加一級用以示鼓勵從之 吏部言原  
任撫治鄖陽右僉都御史徐起元當闖賊犯鄖苦守三  
載不肯從逆及英王渡江投誠効力歷著勞績曾經梅  
勒章京佟代具題奉有俟朝見後加一級用之旨今議  
加為右付都御史仍以巡撫推用從之

南贛巡撫苗胙土言江南各府叛服靡常搃以贛州為  
觀望之地今諸路官兵十餘營圍贛已四閱月兵將分  
鑿号令匪一旗鼓不振鎮臣金声桓柯永盛智勇兼備  
士馬精良伏乞假以搃理之權一赴贛州一鎮南昌令

諸營將令悉聽節制庶號令明而蕩平可期矣疏下兵部議

丁亥

征南大將軍司勒傅洛疏報大兵攻克金華衢州二府擒斬偽蜀王朱盛儂樂安王朱誼石及偽伯吳凱提兵項鳴斯等全浙底定下兵部察叙浙閩提督張存仁疏報偽閣臣謝三賓閣部宋之普兵部尚書阮大鍼刑部尚書蘇壯等八十四人投誠疏下兵部

戊子

以恭順王孔有德為平南大將軍與懷順王耿仲明續

順公沈志祥右翼固山額真金礪左翼梅勒章京佟代率滿洲蒙古烏真超哈官兵往征湖廣兩廣諭之曰尔等先定湖廣地方次定江西贛南由是入廣東據定一處遣人奏報候命尔等同一王爵然軍中不可不立主帥同去王公諸將等凡事悉聽恭順王令行免江南太湖潛山二縣順治二三年分荒逃額賦浙閩提督張存仁引疾求罷不允遣廣道監察御史劉令尹巡按江南定州道付使陳燬坐大盜焚劫冀州庫獄降三級調用

庚寅

草河南巡撫御史宋一貞戕以携妾歸里赴任違限故也

辛卯

陞山東兗東道叅政于燮龍為本省布政使司右布政使劉委湖廣漢陽兵巡道鄭清為陝西按察司按察使削致仕順天府府丞李魯生職降原任順天督學御史曹溶二級調用以濫送貢監故也

壬辰

以故牛录章京查固于班濟岫席特庫弟席三阿玉習從弟阿顏雄古尔代子鍾古尔代致仕牛录章京馬班

子天文各襲職

癸巳

命智順王尚可喜統所部官兵赴恭順王軍前同征湖廣等處賜蟒袍靴帽鞍馬 宣大巡按朱廷翰言馬邑縣貢生霍錢繼妻鄭氏年二十四歲夫故誓死自守撫孤成立苦節四十九年請照例旌表事下所司

乙未

遣官祭

歷代帝皇

遣官祭都城隍之神

丙申

陞大名道付使齊國瑞為湖廣布政使司參政兼按察  
司付使荆南兵備道漢中府知府楊可經為陝西布政  
使參政分守商雒道南陽府王燕翼為山東按察司付  
使青州兵備道廬州府知府趙充光為河南按察司付  
使兼布政使司參議分守江南道昌平州知州高登庸  
為山西按察司僉事順廣道

丁酉

楊威大將軍和碩德豫親王多鐸等凱捷揖政王多尔  
袞出邊迎之

戊戌

前差往達賴喇嘛之察罕喇嘛之京賴喇嘛厄魯得顧  
寔漢等差班第達喇嘛 尔漢喇嘛等同來上表候安  
獻金佛念珠普魯絨盃甲馬匹等物以盃甲弓矢撒袋  
大力鞍轡銀器緞匹皮張等物賞答之

己亥

寅刻大霧色青白如細雨

初大學士范文程祁充格審完我以甘肅巡撫黃圖安  
呈請終養人子至終情吏部不宜遽議罷斥擬為申奏  
值齋期未果白于輔政鄭親王濟尔哈朗王令姑待之  
後攝政王以文程等擅自關白輔政王下法司勘問法

司議俱削職併籍沒家產以聞以文程等委任有年姑釋其罪諭令勉効厥職以贖前愆

以昌平付將都督僉事冷允登仍以原銜充江西九江  
總兵官英王劄委總兵官徐勇充湖廣長沙署總兵官  
保定參將尚登第為江西袁州付將山西平陽付將程  
時登為湖廣常德付將 設揚州管理兩浙兩淮鹽引  
滿官鑄印給之 設淮安總理漕儲滿洲戶部堂官鑄  
關防給之

庫子

遣山西道監察御史張懋燧巡按湖南江南道監察御

史蘇京巡視茶馬

壬寅

蘇松巡按趙弘文疏薦故明詹事府少詹事吳偉業修  
撰楊廷鑑都給事中錢增御史李模等十五員疏入以  
濫舉多員徇情市息下所司議處

陞管臺章京范承宗為署都督僉事管山西平陽付將  
事牛录章京線維綺為署都督僉事管湖廣黃 付將  
事 戶部覆浙江巡撫蕭起元疏言杭嘉湖三府歲造  
絹疋若責成官造分派民造俱恐滋弊請歸併督織工

部侍郎兼造進供公私兩便從之

大清世祖體天隆運英睿欽文大德弘功至仁純孝章皇

帝寔錄卷之二十八

順治三年九月甲辰朔

陞山西大同府知府李維垣為河南按察司副使大名  
道陝西慶陽府知府楊問奇為本省按察司副使肅州  
兵備道江南淮安府同知劉具漢為山西按察司僉事  
定州道以故明行人魯近暹為浙江按察司僉事管  
分守溫處道參議事推官蔣鳴玉為山東按察司僉事  
沂州道

乙巳

兵部疏題本年九月初九等日應會試天下武舉察照  
旧例考試應用官役紙張器物等項應向各衙門取用  
俟命下臣部移文各該衙門預備辦用送內三院官二  
員為主考官科官二員部員二員為同考試官御史二  
員為監試官其受卷彌封騰錄對讀關防及巡視等官  
俱于臣部各官內差委主考官聘幣各表二裏二同考  
試官各表一裏一初九日試騎射十二日試步射十五  
日試策論詔如議

乙酉

招撫江南大學士洪承疇疏報偽瑞昌王朱誼泐結連

江寧常

廣逆黨謀犯省城官兵進勦擒誼泐並其

黨偽經畧韋爾韜偽提兵楊三貫夏舍章等命斬之

兵部言九月初九十二日會試天下武舉奉差監試馬

步射及執事官于初八日見朝次日入闈事竣于十三

日謝恩第三場考試及各項執事官亦于十三日見朝

赴部筵宴入闈事竣謝恩仍赴部筵宴報聞 補原任

河南道御史張煊為浙江道監察御史授進士崔胤弘

為湖廣道試監察御史高景為湖廣道試監察御史

庚戌

命弘文院大學士祁克格克武會試第一場監試官秘



書院大學士范文程充第二場監試官

辛亥

復以額爾克圖為刑部啟心郎 以內院額者庫哈番  
河世泰為吏部啟心郎孫代為工部啟心郎以正紅旗  
滿洲固山阿理睦為擺牙喇甲喇章京

壬子

定遠大將軍和碩肅親王豪格等奏報臣率大兵于三  
月二十六日抵西安聞寇在邠州遣尚書與能等分共  
往勦賊聞風潰遁追斬千餘級偽副將宋大傑賀洪器  
恭將齊勳張國棟等率馬步三百餘人降又聞慶陽一

帶為賊所據遣固山額真杜雷分兵往勦攻克其砦斬  
賊渠石二等遣固山額真巴顏墨勒根蝦悉率烏真超  
哈兵同副將王平等撲滅延安一帶諸寇五月十六日  
賊首劉文炳康千總郭文星張破臉等率馬步賊兵三  
千餘迎拒我師擊斬甚眾獲馬羸百二十匹聞賊渠賀  
珍在漢中府一隻虎孫守法在吳安州武大定高如礪  
蔣登雷石固璽王可臣等在徽州階州大兵于五月初  
五日自西安起行分遣多羅貝勒尼堪固山貝子吞齊  
略昂邦章京龍拜巴圖魯固山額覺羅巴哈納等率兵  
由棧道向漢中興安進發十六日多羅貝勒尼堪等擒

賊哨卒訊知賀珍尚固漢中以馬步賊兵二千據守雞頭關隨遣巴哈納吳賴等分兵一半由山中僻徑以往貝勒尼堪等于十八日抵雞頭關賊兵步馬二千迎拒擊殲之及抵漢中賀珍絕無知覺我兵疾躡其營賊潰而逃追斬無算獲珍原領印信併馬羸八百餘匹五月二十五日聞珍遁居西鄉縣遣鼇拜馬喇希等分兵往擊追及楚湖敗之獲馬羸三百餘匹聞賊渠一隻虎孫守法等破吳安貝勒尼堪等自漢中至漢陰一隻虎聞風遁入四川孫守法已奔岳科寨巴顏墨勒根蝦等擊敗延安一帶賊兵尾至張果老崖賊入山砦它壕圍之

因遣守西安府屠賴率滿洲綠旗兵往代巴顏守張果老崖七月十六日夜潛攻克之擒斬賊渠康千搃獲馬羸二百九十二匹臣率兵一半向秦州進發二十二日分兵遣固山貝子 遣海輔國公喀爾楚渾蒙古固山額真準塔巴魯魯等搜勵武大定高如礪石固壘蔣登雷王可臣等寇恭將石國壘都司守備等官五十二人率馬步賊兵七百名降賊首高如礪率馬步兵賊迎合尚書具能敗之獲馬羸一百四十三匹滿達海等抵三台山圍之臣于六月十二日亦至週視三台山壁立鞏固未可以攻令四面它壕圍之高如礪奔阿蔣登雷王可

臣所率遊吉都司守備等官五十七人馬步賊兵二千三百名降大定下遊擊周克德遣其子來降言我兵由彼所守小路可登于是令降將石固瑩蔣登雷王可臣率其卒七百居前轟章京哈寧阿等率滿洲六百繼後八月初七夜奪其東門賊各滾崖而下據壕遮蔽萬餘獲馬羸千六百匹捷聞

乙卯

遣江西道御史王燮巡視兩淮鹽課江南道御史宗敦一巡按真定等處陞刑部員外郎李震成為河南按察司僉事提調學政

丙辰

命內翰林弘文院檢討劉肇國國史院檢討成克鞏充武會試考試官

丁巳

奉恩將軍篇古卒年二十六

己未

遣喀爾喀部落土謝圖汗所屬額爾德尼託尹貢馬使臣歸諭之曰爾等速往各諭爾主草青以前可將騰吉思騰机忒擒之以獻如此則遣使來朝否毋遣使空來若空使來定行羈留此番兵去非為征爾等不過往追

逃叛騰机思騰机忒之偏師也而尔土謝畜碩雷二汗  
尚不能支吾不擒獻騰機思騰机忒大兵即動任爾何  
往追逐斷不爾縱

庚申

兵部言武會試十九日出榜取中武舉子次日見朝傳  
臚赴宴畢主席官考試官並武進士次日謝恩十月初  
二日一甲一名武進士率諸進士于五鳳樓前上表謝  
恩畢臣部恭進登科錄報聞

壬戌

兵部言第一甲一名武進士應照題定例給賞甲冑撒

袋刀弓矢靴帶等物外諸武進士衣頂各無准照文進  
士一體穿帶並給折銀鈔十兩得

旨武進士帽頂暫照文進士鈔准給銀 兵部言武會試

取中二百卷應進

御進前擬一甲三卷二甲二十七卷三甲一百七十卷發

內院書寫黃榜二十三日

皇上御殿傳臚二十七日臣部筵宴武進士得

旨武進士傳臚着在五鳳樓前二十六日筵宴餘照例行

癸亥

賜中式武舉郭士衛等二百名進士及第出差身

甲子

免湖廣彝陵州歸州石首公安松滋遠安興山巴東宜都長楊枝江華容平江等縣荒田額賦十分之七荆門州巴陵江陵當陽等縣十分之五興國均州廣濟黃梅監利臨湘鄖縣西上津保康襄陽宜城光化南漳竹溪谷城登縣十分之三

丙寅

安徽巡撫劉應實疏報偽崇陽王率賊兵來寇欽縣付將張成功等擊敗之獲偽總兵閔士英鄭鵬遠等命誅之攝政王次元喇諾爾是日出征和碩德豫親王師

至攝政王出營五里外迎之率出征內外貝勒貝子公等暨諸大臣兩翼序立聽贊鳴贊官贊行三跪九叩頭禮衆仍跪和碩德豫親王土謝畜親王卓禮克畜親王承澤郡王英郡王查薩克圖郡王等進前跪行抱見禮出征王貝勒傍坐藍涼帳內貝子以下章京以上照各固山坐次宴之以俘獲馬駝牛羊大賞出征內外王貝勒貝子公台吉等暨固山額真以下蝦員牛录章京以上等官有差

丁卯

湖川總督羅綉錦疏報逆賊何騰蛟等寇犯岳州鎮將

高士清等進勅斬獲甚多下所司察叙

攝政王大賞出征內外王貝勒貝子公台吉回山額真  
內大臣尚書等衣帽弓刀鞍轡金銀器皿馬駝等物有  
差仍宴之

戊辰

復德參濟望職

己巳

命大學士范文程主鷹揚宴

庚午

孝慈武皇后忌辰遣官祭

福陵

冬十月癸酉朔

享

太廟遣內大臣何洛會行礼

頒時憲曆

順天府舉行

鄉飲酒礼

丙子

改湖廣承天府為安陸府 陞河南彰德府知府宋子

玉為山西按察司副使冀北道 湖川總督羅綉錦疏

報總兵官鄭四維等平定彝陵枝江宜都三州縣擒斬

無算下所司察叙

戊寅

達賴喇嘛及厄魯得部落顧寔汗遣使表貢方物宴賚如例

己卯

揚成大將軍和碩德豫親王多鐸等凱旋

上出安定門迎勞之賜宴特賜豫親王多鐸鞍馬一匹

固山貝子和託薨年二十八

辛巳

江西提督金聲桓疏報副將潘永禧等擒獲偽王朱常存總兵了悟金志遠等斬級無算都寇悉平報聞

癸未

蘓尼特部落台吉托濟伊叔吳班代叛逃濟不與托俱逃且率所部同四子部落達爾漢卓礼克圖追殺之

上嘉之賜以叛犯家口牲畜其達爾漢卓礼克圖及有功官兵并分賜叛犯家口牲畜

甲申

革安徽巡抚劉應賓職以招撫江南大學士洪承疇劾其濫給副奉印劄故也 江西提學金聲桓奏報付將

高進庫劉伯祿等克贛州擒斬偽閣部揚廷麟下所司議叙 宴賚聽事外藩蒙古二十七回山下頭目卒役

如例 陞陝西漢羗道叅議胡全才為都察院右僉事  
御史巡撫寧夏贊禮軍務山東兗西道叅政章于天為  
都察院右僉都御史巡撫江西兼理軍務

乙酉

諭有為剃頭衣帽圈地投充逃人牽連五事具疏者一  
概治罪本不許封進 降蘓松巡按趙弘文二級調用  
以濫舉吳地鄉紳多員市恩徇私故也

丙戌

遣江西道監察御史呂維禎巡按山西貴州道監察御  
史曹叶卜巡撫湖北

丁亥

宴賚朝鮮貢使鷹使臣吳義功等如例

辛卯

山東右布政使于夔龍坐原任兗州道時所屬州縣失  
守降二級調用

壬辰

革招撫江西尚書孫之獬職永不叙用以其招抚無功  
擅加總兵職銜任意市恩故也 定行幸迎送禮儀

皇上出都行幸經過地方文官知縣以上武官遊擊以上  
于本境道右百步外跪迎送地方官百里內者來朝百



里外者免 定揖政王出都及和碩親王多羅郡王多羅貝勒奉命出征經過地方迎送禮儀揖政王出都經過地方文官知縣以上武官遊擊以上于本境道右六十步外跪迎送地方官六十里內者來朝六十里外者免和碩親王奉命出征經過附近地方府州縣官員于本境道右四十步外跪迎送多羅郡王于三十步外跪迎送多羅貝勒于二十步外迎送親王郡王貝勒私自出行各地方不許迎送違者治罪

癸巳

擢陝西邠州知州周世科為廣西道御史山西孟縣知

縣潘朝選為江南道御史直隸行唐縣知縣盛復選為河南道御史密雲知縣董成學為山東道御史香河知縣佟鳳彩為山西道御史曲周知縣金元禎為陝西道御史文安知縣秦世禎為四川道御史樂亭知縣金廷猷為雲南道御史順義知縣金志遠為貴州道御史東強知縣劉顯名為湖廣道御史晉州知州王世功為廣東道御史 以故明鄖陽撫治徐啟光為都察院左副都御史 陞湖廣右布政司使李棲鳳為都察院右副都御史巡撫安徽

陞山西路安府知府銀器重為陝西按察司副使漢菴

兵備道陝西榆林道僉事袁璽為本省布政使司參議  
寧夏道 陞總河標下游吉張思孟為都督僉事充鎮  
守山東沂州署提兵官 淮揚巡按姜金胤以道例荐  
舉分司部員降二級調外用

甲午

集官員人等子近京百里內圍獵貝勒以上欲獵于百  
里外者必請旨方行違者治罪 遣湖廣道監察御史

崔胤宏巡按浙江

乙未

賜湖廣凱旋平南大將軍多羅貝勒勒克德渾黃金一

百兩白金二千兩公傳勒赫翁古扎哈納傳喇塔蘇布  
圖薩弼等黃金各五十兩白金各一千兩尚書宗室鞏  
阿岱固山額真葉臣等黃金各三十兩白金各五百兩  
梅勒章京覺善卓羅黃金各十兩白金各三百兩甲喇  
章京以下等官及邊外蒙古固山額真以下各賞賚有  
差 禁民間婦女肩輿及乞丐不許入皇城

兵部言指揮千百戶名色既以盡裁而衛所必不可裁  
應每衛設掌印官一員兼理屯事改為衛守備千戶改  
為衛千總每所設一員俱由部推百戶改為衛百總每  
所設一員由督撫選委其非同城者俱給關防衛軍改

為屯丁凡衛所錢糧職掌及漕運造船事務并都司行都司分轄皆宜照舊從之

丙申

以故三等甲喇章京何濟吉札子巴圖牛录章京納木泰俄濟格子賽梭格克習圖任納木岱劉士芳子文奇勞薩叔子薩木哈各襲職 命江寧總兵官柯永盛移鎮南贛

贈江西巡撫右副都御史李翔鳳為兵部右侍郎祭奠如例

丁酉

上出獵是日駐蹕蘆溝橋通州道李廷梅朝見賜御膳并衣帽等物

禁民間私自買賣馬騾廝甲弓矢刀鎗火砲鳥鎗等物以杜盜源從戶部尚書英俄爾岱請也

免江南望江宿松太湖懷寧四縣本年旱災額賦部言臣部郎中王弘祚委修賦役全書倪光薦料理漕糧請加銜久任從之

戊戌

上駐蹕蔣協

上駐蹕辛家莊霸州道張儒秀固安知縣魏爾康明見各

賜御膳并衣帽等物有差  
陞河南河北道叅政蘇  
弘祖為山東布政使司右布政使湖廣湖北道叅政崔  
光前為本省布政使司右布政使河南汝寧府知府夏  
廷印為陝西按察司副使榆林道降補山東右布政使  
于變龍為本省布政使司叅議充西道  
免陝西延綏  
莊浪本年雹蝗災傷額賦

庚子

上駐蹕楊家莊涿州知州劉有道朝見賜御膳衣帽等物

辛丑

上駐蹕良鄉賜諸王貝子公及各官宴涿州叅將朱萬祖

朝見賜御膳衣帽等物

壬寅

太和中和等殿體仁等閣太和等門工成太和殿連廊  
共十一間長十八丈五尺寬十丈一尺高七丈五尺中  
和殿連廊共五間寬六丈五尺七寸四面俱同高四丈  
八尺位育宮連廊共九間長十四丈一尺寬六丈六尺  
高五丈八尺左右配殿連廊各七間長九丈二尺寬五  
丈二尺高三丈七尺五寸體仁弘義二閣每閣連廊各  
九間長十三丈七尺寬五丈二尺高五丈九尺五寸太  
和門連廊共九間長十四丈七尺寬六丈三尺高五丈

四尺協和門雍和門左翼門右翼門每門俱五間長八丈寬三丈高二丈九尺五寸昭德門貞度門中左門中右門每門連廊五間長六丈二尺寬四丈一尺高三丈五尺左右兩長廊每廊三十六間高二丈五尺寬三丈五尺長三十九丈五尺八寸井房二座滌洗楮臧房一座各長一丈五尺四面俱同高一丈四尺兩小房二座各三間長三丈寬一丈五尺高一丈三尺五寸築盛房一座各五間長五丈八尺寬三丈八尺高二丈八尺前後四角樓每樓長四丈九尺五寸寬四丈九尺五寸高五丈三尺五寸御膳兩房每房連廊各九間長十一丈一尺寬四丈三尺高二丈九尺貯菓肉前樓二座每座連廊八間長八丈五尺寬三丈五尺高一丈五尺五寸後樓二座每座連廊八間長八丈四尺寬三丈五尺高三丈五尺五寸

上還宮

大清世祖體天隆運英睿欽文大德弘功至仁純孝章皇  
帝實錄卷之二十九

順治三年十一月癸卯朔

辰刻大霧色青白 征南大將軍多羅貝勒博洛既定  
全浙隨分兵由衢州廣信兩路進師福建固山額真公  
土賴等擊敗偽閣部黃鳴駿等于仙霞關遂破浦城噶  
布什賢噶賴章京努山等擒斬偽軍門楊廷清李暄分  
遣署叢章京杜尔德噶布什賢章京拜尹岱等攻下建  
寧延平等府聞偽唐王朱聿釗遁走汀州遣叢章京阿  
濟格尼堪杜尔德等率兵追襲直抵城下我軍奮擊先

登擒斬聿釗及偽陽曲王朱盛渡西河王朱盛洽松滋  
王朱演漢西域王朱通簡及偽官偽伯等撫定汀州偽  
總兵姜正希率兵二萬獲襲汀州乘夜登城我兵擊敗  
之斬殺萬餘級固山額真宗室韓岱等破偽總兵師福  
軍于分水關入崇安縣俘朝偽軍門楊文忠等撫定興  
化漳泉三府署梅勒章京趙布泰等襲克福州前後連  
破賊兵二十餘陣降其偽總兵二十員付將四十一員  
參將七十二員馬步兵六萬八千五百餘名福建悉平  
獲偽璽九顆馬騾輜重無算捷聞 以博洛等躬親調  
度平定浙閩所司擇日祭告

天地

宗廟詔赦天下

己巳

陞山海中協付將沈朝華為署都督僉事充陝西延綏  
總兵官

丙午

陞黃花路參將慕繼勳為山海付將居庸關參將石萬  
鍾為昌平付將 遣左翼正白旗梅勒章京卓洛右翼  
鑲藍旗梅勒章京藍拜赴恭順王軍前

丁未

陞湖廣荊州府知府余必躍為本省按察司付使分巡  
湖北道江南常州府知府夏一鶚為本省按察司付使  
漕儲道鎮江府知府塗廓為河南按察司付使分巡河  
北道加戶部郎中王弘祚太僕寺少卿銜仍修賦役  
全書倪光荐太僕寺少卿銜仍管漕糧軍務

戊申

江南巡按毛九華言句容縣民朱熙耀妻華氏朱熙代  
妻張氏避難遇賊誓不受辱中矢投水死華氏子之楷  
及張氏二女以救母并歿貴池縣生員朱之相妻吳氏  
為叛兵所執欲污之氏切齒痛罵賊斷其一肘至刳肚

抽腸而死溧陽縣民馬道隆妻呂氏二十歲守節勤紡  
織供舅姑撫孤成立年踰八旬建陽衛生員劉光炯妻  
周氏二十六歲夫亡舅姑棄白生子灝甫七月氏孀居  
三十餘年孝事二親逮歿喪葬如禮桐城縣儒士顧效  
政妻龍氏十八歲夫故守節七十餘年課子孫成立江  
寧府生員程起善與父櫓同舟火延燒父榻起善衝焰  
救父得免起善被火燎而亡請照例旌表事下所司

辛亥

遣湖廣道監察御史高景巡按宣大陞戶部理事官  
李茂芳為江南布政使司叅政管理鹽引保定巡撫



郝晉定州道僉事陳煥坐推鞠叛逆大案游移參差不  
能執法降二級調用

壬子

以安達禮朱好善為戶部理事官 以鑲黃旗喇祐為

擺牙喇甲喇章京

癸亥

免直隸河間縣任丘縣山西大同縣本年冰雹水災額

賦

丁巳

冬至大祀

天子

圍丘

戊午

浙閩總督張存仁疏請于錢塘一帶緊要地方議設水  
師五千以防海寇下所司知之 朝鮮國王李綜遣陪  
臣劉廷良等奉表謝免貢米及發回林慶業恩附貢方  
物宴賚如例

庚申

梅勒章京覺善等奏報進剿山東土寇斬首一萬六千  
有奇俘獲無算報聞

辛酉

卯刻日犯木星 封鎮國將軍宗室阿拜子鞏安為奉  
恩將軍

壬戌

陞兩淮運使朱廷慶為浙江布政使司參政兼按察使  
付使分巡嘉湖道江南池大道參議高岐鳳為本省按  
察司付使兼布政司使參議督糧道 以招撫大學士  
洪承疇題薦辦事効力袁廓宇為江南按察司僉事池  
大道 授進士趙班奎為河南道試監察御史李昂為  
山東道試監察御史盧鑄為江南道試監察御史崔士

俊為雲南道試監察御史

癸亥

革山東按察使胡之彬職以巡按御史吳達劾其縱賊  
脫逃故也

乙丑

授進士匡蘭兆為貴州道試監察御史

戊辰

以浙東全閩蕩平遣官祭告

天地

宗廟

社稷免行慶賀

蘇松督學御史陳昌言疏言江陰縣吳

氏女許字袁永廣未嫁永廣歿女截髮毀容立姪為嗣

至死靡他上海縣民馬鳴仲妻 氏當兵亂不受污身

中七矢抱子赴水而死丹徒縣民章芮妻茅氏江陰縣

生員袁永康妻顧氏英縣民朱應鯉妻葉氏常熟縣民

解言妻張氏武進縣民劉士璋妻榮氏江都縣童生陳

治道妻寧氏儀徵縣民吳宗周妻周氏山陽縣民吳思

舜妻鄧氏生員盧榮祖妻楊氏咸少寡砥節堅貞不貳

長洲縣民江大濟父啟錄失明醫無效大濟焚香告天

願以身代夢神授以方含乳舐之四越月而父目復明

大濟妻黃氏姑卧病潛割左股投羹進食姑病隨愈里

傳雙孝寶應縣民鄭之鳴之黿母病危之鳴兄弟並割

股療母疴常熟縣民劉士龍母病疽士龍口吮膿血瘡

隨愈母以壽終廬墓三年朝夕攀柏悲号請照例旌表

事下所司

十二月癸酉朔

陞山東運同夏時芳為兩淮都運鹽使司運使 草山

西按察使婁惺伯戠仍下撫按鞠問以縱放故明宗室

故也 蘇松提督吳勝兆疏報故明遂平王朱紹鯤及

偽職方楊模等擁衆太湖勾連海寇謀為不軌副將唐

世勳等率兵撲勦紹鯤等就擒命斬之

山西巡按王昌胤疏舉靈石縣舉人王之度母牛氏夫  
故年二十五勵志矢節訓之度登賢書逆闖逼授之度  
偽戕誠不令受守節五十年淳縣生員亢守節繼妻丁  
氏年二十九夫故訓孫發潛入泮守節四十年章下所  
司

己卯

授山東平原縣知縣梁應龍為福建道試監察御史莒  
州知州蔡應桂為江西道試監察御史進士張翮為雲  
南道試監察御史賓蔚為廣東道試監察御史劉漪為

廣東道試監察御史

庚辰

山東膠州提兵官海時行疏報賊首謝遷結連南山諸  
賊攻陷高苑官兵進勦擒斬偽軍師趙來卿等諸若悉  
平報聞

壬午

命昂邦章京拜山為議政大臣 授武定州知州張中  
元為河南道試監察御史高陽知縣王志陞為浙江  
道試監察御史 陞河南開封府知府閔堯年為本省  
按察司付使糧儲道 山東巡按吳達奏報叛賊小霸

王等陷萃邑盤踞日久同知劉自昌參將邢邦勳擊賊于董王莊大破之遂復萃縣下兵部知之

甲申

靖遠大將軍和碩肅親王豪格等奏報臣帥師于十一月二十有六日至南部偵得逆賊張憲忠列營西克縣境隨令肅縣章京鼇拜巴圖魯等分頭八固山擺牙喇先發臣大軍星夜兼程繼進次日黎明抵西克獻忠盡率馬步賊兵拒師鼇拜等奮擊大破之斬獻忠于陣臣至復分兵四出破賊營一百三十餘處斬首數萬級獲馬羸一萬二千二百餘匹捷聞以豪格指授方畧克奏膚

功猷忠伏誅四川平定深可嘉悅有功官兵察議叙仍擇吉祭告詔赦天下

乙酉

以甲喇章京佟養重為都督僉事充鎮守山東沂州總兵官招抚江南大學士洪承疇疏報偽高安王朱常淇同偽監軍道江子東等盤踞徽州婺源縣之小坑擁眾抗命提督張大祿等率兵進勦常淇及妻子並其黨俱就擒命斬之

丙戌

陞直隸保定兵備道僉事于清廉為都察院右僉都御

史巡撫保定等府提督紫荆等關天津兵備道右叅政  
劉武元為都察院右付都御史巡撫南贛汀邵等處提  
督軍務 免直隸薊州豐潤玉田寶坻武清等州縣本  
年水災額賦

丁亥

庫爾喀部落賴達庫等進貢海豹等皮宴賚如例

戊子

革山西左布政使王點職逮問以督臣馬國柱劾其違  
制刊刻科場條約令坐儒各戴儒巾教官紗帽去翅故  
也 夜月食

己丑

隨征甲喇章京史應庚鈐束無術縱兵剽掠草賊逮問  
庚寅

河南道監察御史盛復選清專差屯政御史清察御史  
地以裕軍需下部院知之 定武進士初授職銜一甲  
第一名授參將一甲第二名授游擊一甲第三名授都  
司二甲授守備三甲授署守備著為令

辛卯

子刻大霧青白色如雨

壬辰

頒賜諸王以下甲喇章京理事官以上滿文金遼元三  
史併明洪武寶訓

癸巳

遣湖廣道監察御史魏瑄提督江寧學政山西道監察  
御史蘇銓提督蘇松學政

甲午

位育宮成

上御太和殿受諸王及文武群臣賀賜宴是日移居位育  
宮以故三等昂邦章京畢喇習子多尔机一等甲喇  
章京貴痕戴清任席喇布三等甲喇章京喇濟第席希

爾牛录章京楊從愛侄尼瑪圖尼雅漢子鄭庫各襲職  
江寧督學御史高去奢疏舉壽州尉百戶張應彭幼  
失父事母吳氏克盡孝養母歿哀毀骨立築廬墓傍服  
哀啜粥朝夕哭奠三年如一日和州民宋繼昌年十歲  
母陳氏病篤焚香籲天願以身代刲股和藥母病立瘥  
霍丘縣民杜文郁女從兒德兒流寇破城從兒年十六  
德兒年十四懼賊汚同入內室對縊而死無為州民謝  
六經女桂兒年十四瀕嫁夫故隨母往弔堅請守制母  
阻之仰天大慟誓不改適繼窺母欲奪其志潛入室自  
縊章下禮部

乙未

賜烏朱穆秦部落車臣親王蝦達喇海阿霸垓部落多羅卓礼克圖郡王蝦墨尔折乙达尔漢名並免其應付差馬口糧之役以和碩德豫親王統兵追騰機思時曾為嚮導故也

丙申

亥刻木星逆行犯鬼宿積尸氣

丁酉

定諸王入朝降輿及朝列坐次儀注輔政王入午門至太和門降輿和碩德豫親王肅親王多羅英部王入午

門至昭德門降輿諸王俱午門外降輿其朝列坐次多羅英郡王與和碩親王同諸多羅郡王視親王稍後外藩科尔沁國土謝岳親王巴達礼卓礼克岳親王吳克善位與和碩親王同列巴圖魯郡王滿珠西里位次多羅英郡王其餘藩王及平西王吳三桂恭順王孔有德懷順王耿仲明智順王尚可喜坐位俱次諸多羅郡王命烏朱穆秦部落故蘇勒親王多尔濟孫察幹巴拜襲爵

陝西巡按趙端奏報賀珍等賊盤踞興安副將任珍等于十一月十三日率兵往勦賊望風逃走付將王平等



追擊大敗之斬首三千餘級接次收降一千五百餘人  
獲馬匹器械甚衆下兵部知之

庚子

招撫江南大學士洪承疇疏報故明偽金華王朱由樞  
擁饒州境擁兵煽亂安仁萬年餘干等縣都司余龍進  
兵搗其巢穴獲由樞命斬之

壬寅

歲暮享

太廟遣鎮圉公固山額真拜尹圖行禮

遣官祭

福陵

昭陵

四祖陵

遣官祭太歲月將之神

是歲鹽三百三十二萬八千七十一引鹽課銀一百五  
十一萬八千一百三十一兩 錢五分有奇鑄錢六萬  
一千四百八十一萬三千九百六十文有奇



